

自有宇宙則有山川然洞天福地表表於宇宙間則未有不因人而重者故南障以匡俗所廬而易其名天台以桐栢所治而新其號山有仙則名信矣余生髮未燥聞均州武當為

玄帝啓聖之地長慕真風尤切仰止獨恨未觀此山之勝且不知其所以得名之由一日忽有王米二生自武當來訪余廬山下袖示劉洞陽所編本山事實名曰總真集肅容展玩則知是山也七十二峰擅其奇三十六巖專其秀瀾溪潭洞之清幽草木禽獸之珍異珠庭仙跡繁然靡所不載蓋名山中雄偉傑特者由是觀之微此山不足以稱玄帝之居微

玄帝不能以彰此山之勝以武當易太和蓋取諸此然非洞陽紀述詳明如指諸掌則凡天下之奉道者又豈能盡知其所自來哉然則此山固與天地為無窮而洞陽此集且將與此山相為無窮其有功於玄教大矣三復讚嘆遂書卷末若夫

帝真行實已載鉅編又奚庸贅德至辛丑花朝節奉訓大夫前僉淮西北道肅政廉訪司事古壽呂師順謹跋



武當紀勝集

不四

龍興路雲麓樵翁 羅克慶撰

揀樵遠到太和山在神仙洞府間風露九霄丹闕近乾坤萬古白雲間吟情月脇邊消遣步武天心處往還樂地更多天更闊不知身外有塵寰

次章

洞天福地滿寰區拱北來朝北帝居赫赫武當聯良嶽巍巍大頂壓坤輿無邊聖化身金闕最上神霄相玉虛嘉會風雲依日月祝香班幸列霞裾

界山

天上人間跬步殊到均陽境入雲衢飄飄自有神仙氣踴躍東風詠舞雩

浪河

涓滴流成海樣多雨餘萬壑總鯨波杖藜穩代商川掀拜賜晴天過險坡

梅溪

圭葵儲精毓聖神坎中陽露發生仁仁根遍